



Universitätsbibliothek Paderborn

**Io. Francisci Leonis Eporediensis I. V. D. Episcopi
Thelesini Thesaurus Fori Ecclesiastici**

Leoni, Giovanni Francesco

Coloniae Agrippinae, 1682

75 Injuriam nemini facit, qui suo utitur jure.

urn:nbn:de:hbz:466:1-10316

ad eo quod, si prima vacans fuerit tenuis valoris, potest illam dimittere, & tunc collatio ad conventū devolveretur, & pinguorem eodem quinquennio non conferente, in alio quinqennio duas conferre potest, ut in stabilit. ejusdem ordinis in cap. magister, &c. in concedentis, de commend. & habet electionem ex dispositione d. c. magister, in princip. ideo si non confert minorem, exspectando pinguorem, nemini injuriam facit, quia jure suo † utitur, cap. cum Ecclesia Vulterana. d. elect. l. injuriarum, ff. de injur. & Specul. de abol. & purg. §. 1. n. 12. dictas verò commendas conferre tenetur fratribus in conventu residentibus, non autem absentibus, ut eod. cap. magister, & est ratio, qui magis residentibus, qui labores pro religione sustinent, quam absentibus, per curias o-
tiose vagantibus est favendum.

Confert † etiam Magnus Magister camaras magistralis, quæ tot sunt, quot Prioratus, de quibus in eisdem stab. capit. jam olim, de mag. & licet videantur, magistratui unitæ, & quod debeant locari, seu ad certam pensionem concedi, ut in eod. stab. vigore tamen collationis tribuitur titulus, ita quod, si obtinens commendam cameræ magistralis, assumatur † ad Episcopatum, non habita retentio, vacant etiam dictæ commendæ, quæ cadunt sub dispositione, c. cum in cunctis, §. cum verò, de elect. & ita fuit in sacra Rotæ adjutorio decisum, in favorem fratris Michaelis de Lentor, ejusdem ordinis contra Thomam Gargallum tunc Episcopum Milenitanum, qui promotus ad dictum Episcopatum non obtinuit retentionem commendæ de Masdeo, quæ Cameræ magistralis Prioratus Cathalonie

existit, & dictus frater Michael diffinitivè victoriam reportavit, & commendam obtinuit, sublata quæstione, an de jure beneficia vacantia per promotionem, vacent in curia, vel extra, de qua per glo. in clement. 1. in verb. collato, ut lis pendente. & doct. presertim in dict. §. cum verò.

Licet enim † beneficia vacantia in curiis sint Sedi Apostolicae specialiter reservata, cap. 2. de præb. in 6. & nulla sit major reservatio, quam ea, quæ in corpore juris clauditur, cum generalis facultas conferendi reservata non capiat reservationem apud sedem Rot. decis. 4. de præb. in no. & decis. 17. eod. tit. in antiqu.

Nihilominus, † Magnus Magister, & cœteri collatores dicti ordinis possunt etiam beneficia in curia vacantia ex dispositione suorum privilegiorum in eadem Bull. Pij IV. c. 14. vers. in Romana curia, & etiam litigiosa conferre, & in jus alterius subrogare, ut in privilegio Innocentii VIII. in libro privilegiorum manucripto, quod Romæ plures vidi, & nec beneficia dicti ordinis cadunt sub aliquâ reservationem, quia in eis nulla cadit reservatio, vel affectio, aut devolutio, ut in eisdem privilegiis eodem Bull. vers. ac in perpetuum, & quamvis Prioratus, ba-julivæ, castellania, empostæ, præceptoriæ, & membra solum exprimantur, & dubitari possit, an eodem jure cetera beneficia ejusdem ordinis sint privilegiata, & videatur, quod non, quia, quæ Papa non excludit à reservatione, sub eadem reservatione comprehensa videntur, cap. nonne, de præsumpt. & Paril. conf. 36. num. 17. vol. 4. sub reservationibus tamen, affectionibus, vel devolutiōnibus non comprehenduntur ejusdem

Ecc.

ordi-

